

prædicto, siue illius Mensæ assignaverat, eidem etiam Episcopo Terulen ratione spiritalitatis, necnon fructuum, reddituum, & proventuum, jurium, obventionum, & emolumentorum, quos Archidiaconus, & Archipresbyter de Tervel, ante ipsorum Archidiaconatus, & Archipresbyteratus suppressionem in territorio, & districtu de Tervel, & in Aliaga, Villaroya, Vintanex, Pitarque, & Miravete, quosque Vicarius perpetuus prædictus percipiebant, & percipere poterant, postquam suppressioni dictæ Vicariæ locus factus fuerit, dictæ Mensæ Capitulari etiam perpetuo applicamus, & deducis mille, & tercentis pro XIII. Canonicis, & corpore suarum Præbendarum, ac CL. Theauraria pro augmento, necnon mille Ducat. Ministrorum, ac CCCL. Beneficiatis, aliisque CCC. salario Sacristarum, Macerii, & Campanarii, & Clericorum Chori, ut supra, assignatorum XXV. libras, quæ Decano Ecclesiæ Terulen, cui duas Præbendas, ejus dignitati annexas, suppressimus, ne ob suppressionem Præbendarum ejus dignitati annexarum nimium detrimenti patiatur, ex eisdem fructibus quolibet anno quoad vixerit per idem Capitulum solvi mandamus. Residuum præfactorum omnium fructuum, reddituum, proventuum, jurium, obventionum, & emolumentorum Mensæ Capitulari applicatorum equaliter, & juxta providam ordinationem desuper per Ordinarium, & Capitulum faciendam inter eas dignitates, & Canonicos ejusdem Ecclesiæ, qui ad favorem dictæ Mensæ Capitularis dismembrationi, suppressioni, & applicationi prædictis consenserunt, renunciaverunt, acceperunt, vel cum primum eis omnino locus factus fuerit, & non aliter dividatur: ita quod Canonicorum, & dignitates obtinent, singulorumque aliorum Ministrorum prædictorum non interresistentium portioni accrescat. Quod si dignitates obtinentes dismembrationi, suppressioni, & applicationi prædictis non consenserint, aut consentire distulerint, fructus, redditus, & proventus, jura, obventiones, & emolumenta quæcumque Canoniciatum, & Præbendarum, quos hujusmodi suis dignitatibus annexas habent, in favorem prædictæ Mensæ Capitularis non cesserint, & idem fecerint Canonici pro fructibus, redditibus, & proventibus, juribus, obventionibus, & emolumentis, ac distributionibus suarum Præbendarum, quas pariter eidem Mensæ Capitulari idem Prædecessor applicavit, tunc tertiam partem quorumcumque fructuum, reddituum, & proventuum earundem dignitatum, & Præbendarum eis annexarum, in, & pro distributionibus quotidianis inter ipsos dignitates obtinent. dividendi, quousque dismembrationi, suppressioni, & applicationi prædictis locus factus fuerit: ita quod Canonici fructus, redditus, & proventus, jura, obventiones, & emolumenta, ac distributiones, quas ante præmissa percipiebant, contenti esse debeant, ex nunc con-

stituimus, & ita percipi debere decernimus. Necnon desuper quibusvis districtius inhibemus. Et interim fructus, redditus, & proventus, jura, obventiones, & emolumenta, ac distributiones quotidianas prædictæ Mensæ Capitulari, ut supra, applicata, & qui supererunt, solutis oneribus prædictis, & alias ipsis Canonicis, & dignitates obtinent, si dismembrationi, suppressioni, & applicationi prædictis consentirent, deberentur, fabricæ ejusdem Ecclesiæ Terulen. similiter applicamus. Dictis tamen Canonicis, & dignitates obtinentibus Locum, & vocem in Capitulo, ac Stallum in Choro cum plenitudine juris Canonici assignamus.

§.10. Necnon dictæ Ecclesiæ Terulen, illiusque Capitulo, & Ministris, ut omnibus, & singulis privilegiis, gratiis, exemptionibus, prærogativis, honoribus, favoribus, præminentis, & Indultis tam spiritualibus, quam temporalibus, quibus alia dicti Regni Aragonum Ecclesiæ Cathedralis, earumque Capitula, & Ministri de jure, vel consuetudine utuntur, potiuntur, & gaudent, acuti, potiri, & gaudere possunt, ac poterunt quomodolibet in futurum, pariformiter uti, potiri, & gaudere libere, & licite possint concedimus.

§.11. Demum quod tam dignitates obtinentes, & Canonici, quam Beneficiati, & alii Ministri dictæ Ecclesiæ Terulen, etiam si Diaconi, & Subdiaconi munera annexa tantummodo habeant, ad Sacerdotium, debito tempore, promoveri, & cuilibet eorum dies certi assignari debeant, in quibus juxta ordinationem, que servitio ejusdem Ecclesiæ magis convenire videbitur, per Episcopum, & Capitulum prædictum desuper faciendam, celebrare teneantur, & si legitimo cessante impedimento, non celebrabunt, ultra amissionem distributionum quotidianarum, graviore poena ad ejusdem Episcopi arbitrium puniri debeant, ac possint etiam perpetuo statuimus, & ordinamus.

§.12. Necnon statuta, ordinationes, & decreta, quæ Nuncius prædictus in suis literis pro rebus ad dictam Ecclesiam Terulen. pertinentibus, ac felix personarum regimen, Divinique Cultus augmentum, & alia necessaria concernentia fieri mandavit, si nondum facta, vel executioni demandata sint, quam primum per ipsum Episcopum, & Capitulum dictæ Ecclesiæ Terulen. fieri, & ab omnibus inviolabiliter observari debere. Et etiam omnia, & singula in eisdem prædictis literis contenta, quæque in eis contraria immutata, aut alterata non sunt, salva, illa, & intacta remanere, suumque robur, & effectum in omnibus, & per omnia habere, & retinere.

§.13. Decernentes Canoniciatum, dignitatum, & Præbendarum, & aliorum Beneficiorum Ecclesiasticorum in dicta Ecclesia Terulen. ante erectionem prædictam existentium ad solum Episcopum Terulen. pro tempore existentem, excluso dictæ Ec-

Ecclesiæ, & Capitulo Cathedralibus Ecclesiæ competentia Privilegia largiuntur.

Tempus celebrationis Ministeriarum, potestatem contra-venturiam designationis Episcopo attribuit.

Quæ a Nuncio Apostolico statuta fuerant, presentibusque non sunt immutata, precipit observari.

Jus collationis, quod Cesar Augustano Archiepiscopo competebat, Terulen. Episcopo adjudicatur.

clesiæ Terulen Capitulo, eisdem modo, & forma, quibus ad Archiepiscopum Cesar Augustanum, ante executionem hujusmodi spectaverant, Dignitatum vero, & Canoniciatum, aut Præbendarum erectionem hujusmodi ad solum Episcopum prædictum, etiam excluso dicto Capitulo spectare, & pertinere.

Controversias omnes hæcenus super his exortas extinguit.

§.14. Ac pro tranquilliori, & feliciori prædictorum omnium, totiusque negotii hujusmodi compositione, executione, & perfectione, omnes, & singulas, ac quacumque lites, controversias, differentias, & questionum materias hæcenus inter Episcopum, & Capitulum Terulen, ac quoscumque alios, etiam sonfan super interpretatione voluntatis, & literarum Gregorii Prædecessoris, & Nuncii prædictorum, ac inde quomodolibet secutorum, etiam illorum occasione, ubilibet, & coram quibusvis Judicibus Ordinariis, vel Delegatis, etiam Palatii Apostolici causarum Auditoribus, ac S.R.E. Cardinalibus, & quibuscumque aliis in quacumque instantia motas, & pendentes indecisas, & forsitan instructas, ad Nos, harum serie, avocamus, illasque cassamus, & penitus extinguimus, & perpetuum silentium desuper quibusvis interesse habent. harum serie imponimus, & impositum esse declaramus.

Præfentes literas ullo vitio notari vetat.

§.15. Præfentesque literas nullo unquam tempore, aut ex quavis causa de subreptionis, vel obreptionis, aut nullitatis vitio, seu intentionis nostræ, vel quopiam alio defectu notari, impugnari, vel invalidari; aut in jus, vel controversiam, quacumque ratione, vel causa vocari, aut ad terminos juris reduci, vel quod vis aliud juris, seu gratiarum remedium contra illa impetrari, sed semper validas, & efficaces existere, suosque effectus sortiri, & obtinere, nec sub quibusvis dismembrationum, suppressionum, applicationum, aut aliarum quarumcumque similium, vel dissimilium gratiarum revocationibus, suspensionibus, derogationibus, & aliis contrariis dispositionibus, per quascumque literas, vel Constitutiones Apostolicas, seu Cancellariæ Apostolicæ regulas, etiam per Nos, & Successores nostros, etiam motu proprio, & ex certa scientia, ac de Apostolice potestatis plenitudine, etiam consistorialiter, & sub quibuscumque tenoribus, & formis, nec non cum quibusvis clausulis pro tempore factis, & concessis comprehendendi, sed semper ab illis exceptas, nec non quoties illa revocari, vel limitari, seu eis derogari contigerit, toties in pristinum statum, etiam sub Data posteriori restitutas, & plenarie reintegratas, ac de novo concessas esse, & censeri. Irritum quoque, & inane si secus super his a quoquam, quavis auctoritate scienter, vel ignoranter contigerit attentari, decernimus.

Contrariis derogat.

§.16. Non obstantibus præmissis, ac quatenus opus sit de unionibus ad parte committendis vocatis, quorum interesset ac de vero valore exprimendo, secundum

communem estimationem, etiam beneficii, cui aliud uniri petebatur, ac Lateranen novissime celebrati, & in aliis generalibus Conciliis editis, disponen., quod uniones perpetuæ nisi in casibus a jure permisis fieri non possint, ac quod cum legitimis, seu aliis rationabilibus causis, etiam coram loci Ordinario, ac citatis quorum interest, verificatis fieri debeant, aliisque Apostolicis, nec non in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, ac statutis, & consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, Indultis, & literis Apostolicis quibusvis personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, nec non irritantibus, & aliis decretis in genere, vel in specie, etiam Motu proprio, & ex certa scientia, ac consistorialiter, vel alias in contrarium quomodolibet concessis, approbatis, & innovatis; Quibus omnibus, etiam de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales, idem importantes, mentio, seu quævis alia expressio habenda, aut aliqua exquisita forma ad hoc servanda esset, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque. Sicque in præmissis per quoscumque Iudices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi facultate, & auctoritate, judicari, & diffiniri debere, ac irritum, & inane decernimus, quid quid secus super his a quoquam, quavis auctoritate, scienter, vel ignoranter contigerit attentari.

Executores deputat.

§.17. Quocirca Venerabilibus Fratribus Segobricen., & Albarazinen. Episcopis, ac Dilecto Filio Carolo Munoz Canonico Trialonen. per Apostolica scripta mandamus, quatenus ipsi, vel duo, aut unus eorum per se, vel alium, seu alios præfentes literas, & in eis contenta quæcumque, ubi, & quando opus fuerit, solemniter publicantes, ac in præmissis efficacis defensionis præsidio assistentes faciant auctoritate nostra prædicta in præmissis interesse habentes omnibus, & singulis, juxta præsentium continentiam, & tenorem, pacifice frui, & gaudere, non permittentes eos, seu eorum quemlibet a quoquam, quomodolibet indebite molestari, perturbari, aut inquietari; Contradictores quoslibet, & rebelles, ac præmissis non parentes per censuras, & poenas ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis, servatis processibus, illos censuras, & poenas ipsas incurrisse declarando, nec non eas, etiam iteratis vicibus, aggravando, invocato etiam ad hoc, si opus fuerit, auxilio brachii secularis.

§.18. Non

1587. Altera contrarium derogatio.

§. 18. Non obstant. fe: re: Bonifacii Papae VIII. Praedecessoris nostri de una, & Concilii generalis de duabus Dietis, dummodo quis, vigore praesentium, ultra tres Dietas ad iudicium non trahatur, & aliis quibusvis Apostolicis, nec non in Provincialibus, & Synodalibus Conciliis editis generalibus, & specialibus Constitutionibus, & Ordinationibus, ac statutis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis quibusvis ordinibus, & locis, illorumque superioribus, & personis sub quibuscumque tenoribus, & formis, ac cum quibusvis clausulis, & decretis, etiam motu proprio, & ex certa scientia, ac de Apostolica potestatis plenitudine in contrarium forsitan quomodolibet concessis, confirmatis, & innovatis, quibus omnibus, etiam si de illis, eorumque totis tenoribus specialis, specifica, & expressa mentio, seu quavis alia expressio habenda, aut aliqua alia exquisita forma ad hoc servanda foret, eisdem praesentibus pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel divisim ab eadem sit Sede indultum, quod interdici, suspendi, vel excommunicari non possint per Literas Apostolicas non facientes plenam, & expressam, ac de verbo ad verbum de indulto huiusmodi mentionem.

Dat. die 7. Octobris 1587. An. III.

Datum Romae apud S. Marcum, sub Annulo Piscatoris die 7. Octobris 1587., Pontificatus nostri Anno III.

XXVI.

Ex Regest. in Secr. Breu.

Erectio Officii Secretarii, seu Cancellarii Gubernatorum Anconae ad instar aliorum Romanae Curiae Officiorum.

SIXTUS PAPA QUINTUS

Ad perpetuam rei memoriam.

Exordium.

AD regimen universalis Ecclesiae, divina dispositione, assumpti, curis angimur assiduis, & continua meditatione pulsamur, ut iustitia mediante, malorum hominum impetus reprimentur, & boni de custodia nostra confidentes in iuribus suis adversus eos protegantur, & ubique conserventur.

Officium, de quo in Rubrica erigit.

§. 1. Qua in re pro nostri pastoralis officii debito, quantum cum Deo possumus operarias manus adhibere volentes, motu proprio, & ex certa nostra scientia, ac de Apostolica potestatis plenitudine unum Officium, Sigillum, seu Secretariam, aut Cancellariam civilem Gubernatorum in nostro gubernio Anconitano, nunc, & pro tempore existentium, & futurorum pro uno Secretario nuncupando, ac Sigillatore, & Cancellario civili ditorum Gubernatorum

nuncupando: ita quod dictum officium pro tempore obtinens, illud per se ipsum, vel alium, seu alios ejus substitutos ad ejus beneplacitum amovibiles toties, quoties sibi videbitur, exercere valeat, apostolica auctoritate, tenore praesentium, perpetuo erigimus, & instituiamus.

§. 2. Illique sic erecto, & instituto, pro ejus dote, omnia, & singula emolumenta, regalia, redditus, & proventus, quae, & quos dicti Gubernatores, eorumque Secretarii, Cancellarii, alique Ministri, & Deputati, quovis titulo nuncupati habere, recipere, & lucrari consueverunt, videlicet de singulis licentiis Armorum, aliique licentiis, & facultatibus extrahendi res, & bona cujuscumque nominis, generis, & speciei, bulletinis de non molestando, a securacionibus, & salvis conductibus civilibus, & criminalibus, capitibus solidorum, executionum quarumcumque contumacialium, suspectorum fugae, Instrumentorum, Chirographorum, Literarum Cambiorum, & aliarum similiarum rerum, & materiarum executivarum ex forma statutorum dictae Civitatis Anconitanae declarandarum, & interpretandarum, brachiis autem secularibus semper exceptis, ac de literis ad petitionem quarumvis personarum, Vicariis, & aliis Comitatus Officialibus dicti gubernii scribendis, expeditionibus quoque, & datis supplicationum civilium, & criminalium, ac bulletis etiam poenarum, si fieri contigerit, confirmationibus, & Chartarum Dotalium, & licentiis, sive Patentibus Proxenetarum, juxta solitum bis in anno faciendis, ac de omnibus, & singulis aliis licentiis, & ordinibus per quoscumque obtinendis, & quomodolibet impetrandis a dictis Gubernatoribus, Judicibus, Officialibus, & Ministris pro aliqua poena evitanda, & non incurrenda, vel pro obedientia facienda quavis ratione vel causa, tam ordinaria, quam extraordinaria, vel ex novo accidenti, & generaliter de omnibus, & singulis aliis literis, fidibus, pateatibus, literis testimonialibus, & gratiosis ordinibus, aliisque rebus ad Bancum Notariorum causarum civilium dictae Civitatis, seu ad Cancellariam criminalem dicti gubernii minime spectantibus, cum omnibus, & singulis superius expressarum expeditionum emolumentis, proventus, solutionibus, mercedibus, & regalibus omnibus, & quibuscumque Ministris, & Officialibus, etiam supremis, & in capite dari solitis, etiam quod hodie, tam per se, quam per alios perciperent, illa omnia, & singula ab eis auferendo, separando, & dismembrando, auctoritate, & tenore praemissis applicamus, & appropriamus.

§. 3. Eiusdemque officii ad instar aliorum Romanae Curiae officiorum venalium, & vacabilium, collationem, provisionem, & dispositionem, tam hac prima vice, quam deinceps illius vacatione per cessum, vel decessum, seu quamlibet aliam dimissionem, vel amissionem illud pro tempore ob-

Emolumenta eidem assignat.

Hujus Officii collationem Romanis Pontificibus reservat.

Hanc Constitutionem perpetuo observari decernit.

Ceterorum Cancellariorum privilegia, auctoritatemque communicat.

Exceptis illis, quae hic recensentur.

Idem officium Innocentio Ciamborlano committit.

Eum pro vero Cancellario dnitendum praecipit.

obtinens, occurrente, Nobis, & Successoribus nostris reservamus.

§. 4. Et erectionem, institutionem, applicationem, & dismembrationem, praesentisque Literas semper, & perpetuo validas, & efficaces existere, & fore, suoque plenarias, & integros effectus fortiri, & obtinere debere.

§. 5. Nec non Secretario, & Sigillatori, & Cancellario praedicto, quod omnibus, & singulis honoribus, oneribus, exemptionibus, privilegiis, facultatibus, juribus, & actionibus per totum Ecclesiae Statum, Armorum, non tamen prohibitorum delationibus pro se, & Familia sua, prout alii quicumque Sedis Apostolicae Ministri, & Officiales frui, uti, & gaudere soliti fuerunt, ac in futurum soliti erunt.

§. 6. Reservatis tamen dictis Gubernatoribus, eorumque Judicibus Officialibus, & Ministris, & in dicto officio minus comprehensis Sigillis Mandatorum de exarando, exequendo, vel capiendo, civilibus, & criminalibus praecipis, monitoriis, requisitoriis, notificatoriis, mandatis de bullando Ostia Domorum, suspectis, mandatis de vendendis pignoribus, citationibus, intimationibus Judiciorum, pronunciarum, sententiarum, protestationum, & aliarum rerum similiarum, seu actorum judicialium.

§. 7. Ut autem officium praedictum Viroidoneo concedatur, ac de fidelitate, probitate, & rerum gerendarum experientia dilecti Filii Innocentii Ciamborlani Laici Interamensis, Anconae degentis, plurimum in Domino confidentes, officium praedictum a primava erectione huiusmodi, ut praefertur vacans, cum omnibus, & singulis honoribus, oneribus, juribus, & emolumentis suis praedictis eidem Innocentio, quoad vixerit per se, vel alium, seu alios ejus substitutos tenendum, regendum, exercendum, & gubernandum, reservata sibi dispositione dicti officii, ac ejus fructuum, quoad resignationem, & afflictionem, ac fructuum, & pretii perceptionem, dicta auctoritate concedimus, & assignamus, ipsumque Innocentium Secretarium, seu Sigillatorem, & Cancellarium Gubernii huiusmodi, cum facultatibus, concessionibus, & Indultis, aliisque praemissis facimus, & deputamus, cum hac conditione, quod ipse Innocentius in nostram, & dictae sedis subventionem summam scutorum mille, & ducentorum auri, in auro, in manibus dilecti Filii Joannis Augustini Pinelli generalis nostri Depositarii realiter, & cum effectu solvat, prout actualiter solvisse nobis constat per Cedulam dicti Depositarii.

§. 8. Mandantes Gubernatoribus, eorumque Judicibus, Officialibus, & Ministris, aliisque quibuscumque, ad quos spectat, & pro tempore spectabit, quatenus eundem Innocentium, & ejus Substitutos ad dictum officium, sequeque liberum exercitium admittant, & recipiant, vereque tractent, & recognoscant, illique, vel illis de solitis juribus, regalibus, & emolu-

mentis praedictis respondeant, ac responderi faciant; Nihilque in fraudem, damnum, & praedictum, sive diminutionem ditorum regalium Sigillatoris, Cancellarii, seu Secretarii praedicti, aut illius Officii, juriumque, & emolumentorum ejusdem directe, vel indirecte faciant, sed omnia, & singula praefata, & dicto officio applicata, & ad illud pertinentia, modo, & forma consuetis, & prout haecenus solitum fuit expediant, concedant, & tractent respective, eundemque Innocentium, seu Substitutos suos in aliquo perturbare, seu molestare audeant, vel praesumant sub poena quingentorum ducatorum auri Camerae Apostolicae, ipso facto applicanda, ultra dicti Innocentii damna, expensas, & interesse, locumque, & habitationem in Palatio, arbitrio moderni in dicta Civitate nostra Anconitana Gubernatoris, concedimus, & assignamus.

§. 9. Non obstante regula nostra de non tollendo jure quaesito, & pia memoriae Pii IV. etiam Praedecessoris nostri de gratiis, & Indultis dictae Camerae praedictum quomodolibet concernentibus, in eadem Camera, intra certum, tunc expressum tempus, registrandis, & aliis Constitutionibus, & Ordinationibus Apostolicis, nec non Civitatis, Comitatus, & Districtus praedictorum Juramento, confirmatione apostolica, vel quavis firmitate alia roboratis statutis, & consuetudinibus, Privilegiis quoque, Indultis, & Literis Apostolicis illis, ac Gubernatoribus, Officialibus, Ministris, aliisque praedictis, sub quibuscumque tenoribus, & formis, ac cum quibusvis clausulis, & decretis in genere, vel in specie, ac alias in contrarium quomodolibet concessis, approbatis, & innovatis: Quibus omnibus, & singulis, etiam si de illis, illorumque totis tenoribus specialis, specifica, expressa, & individua, non autem per clausulas generales, idem importantes, mentio, seu quavis alia expressio habenda foret, illorum tenores, praesentibus, pro expressis habentes, illis alias in suo robore permanentibus, hac vice dumtaxat, specialiter, & expresse derogamus, ceterisque contrariis quibuscumque.

§. 10. Volumus autem, ut antequam ad exercitium praedicti officii admittatur, in manibus Venerabilis Fratris Episcopi Anconitani, vel ipso absente, in manibus dilecti Filii Vicarii Generalis ejusdem Episcopi solemniter praestet juramentum de dicto officio fideliter administrando.

Datum Romae, apud S. Marcum, sub Annulo Piscatoris die 10. Octobris 1587., Pontificatus nostri Anno III.

Derogat contrariis.

Juramentum ab Innocentio de officio bene administrando praestari jubet.

Dat. die 10. Octobris 1587. An. III.

Ex Regest. in Secret. brev.

Renovatio Literarum Pii V. super erectione Congregationis Ordinis S. Benedicti, & unione Monasteriorum ejusdem Ordinis in Regno Portugallia, cum communicatione Gratiarum, & Indultorum, aliis ejusdem Ordinis Congregationibus concessorum.

SIXTUS EPISCOPUS

SERVUS SERVORUM DEI

Ad perpetuam rei memoriam.

Prooemium.

Injunctum Nobis desuper Apostolicae servitutis officium Nos inducit, ut votis Catholicorum Principum, per quae Personarum Religiosarum sub suavi Religionis jugo Altissimo famulantium indemnitate, ac commoditatibus salubriter valeat provideri, libenter annuimus, eaque favoribus prosequimur opportunis.

Pius PP. V. Monasteria Ordinis S. Benedicti in Portugallia Regno in Congregationem erigi jussit, sub regimine Abbatis Generalis, & Priorum triennialium.

§.1. Sane pro parte Charissimi in Christo filii nostri Philippi Hispaniarum, ac Portugallia, & Algarbiorum Regis Catholici Nobis nuper exhibita petitio continebat, quod alias postquam facte: re: Pius Papa V. Praeceptor Noster clar. me: Sebastiani Portugallia, & Algarbiorum Regis supplicationibus inclinatus, unam Congregationem omnium, & singulorum Monasteriorum Monachorum Ordinis S. Benedicti in Regno Portugallia consistentium, quae de Jurapatronatus ipsius Sebastiani Regis existerent, sub invocatione eidem Sebastiano Regi benefica, & per quosdam tunc expressos religiosos viros, seu eorum alterum reformandorum adinstar Castellae, seu Sanctae Justinae Paduan., vel Cassioen. Congregationum Apostolica auctoritate per quasdam crexerat, & instituerat, illique sic erectae, & institutae omnia, & singula dicti Ordinis virorum Monasteria in dicto Regno consistentia, & de Jurapatronatus hujusmodi existentia quaecumque, quotcumque, & qualicumque essent, ac per quoscumque etiam Sanctae Romanae Ecclesiae Cardinales etiam Legatos de latere in titulum, commendam, & administrationem, aut alias obtinerentur, etiam si actu tunc quovis modo vacarent, ac tanto tempore vacavissent, quod eorum provisio juxta Lateranen. statuta Concilii, aut alias Canonicae sanctiones ad Sedem Apostolicam legitime devoluta existeret, cum illorum Prioribus, ac Conventibus Monachis quibuscumque sub certis modo, & forma etiam tunc expressis subjecerat, & supposuerat, ac eidem sic erectae Congregationi incorporaverat, & aggregaverat, aliaque desuper statuerat, & ordinaverat, cum idem Sebastianus Rex, ut tunc assererat, non speraret reformationem dictorum Monasteriorum absque maxima difficultate, exequi posse, si Monasteria ipsa per Commendatarios, aut Administratores, seu Abbates perpetuos regerentur, prout eatenus fieri consueverat, praedictis

Praeceptor ejusdem Sebastiani Regis supplicationibus tunc inclinatus per alias suas literas, quod S. Martini de Tibais, & S. Andreae de Rendufe, ac S. Romani de Nevia tunc Abbatum regimine destituta, & Beatae Mariae de Pombeiro, ac ejusdem Beatae Mariae de Carnerio, nec non S. Petri de Arnoja, & S. Salvatoris de Fravanca, ac ejusdem S. Salvatoris de Palme, nec non similiter S. Salvatoris de Passo de Soufa, ac ejusdem B. Mariae de Bustello, ac S. Tirsi de Ribadave, nec non S. Joannis dal Pendorada Bracharen., & Portugallen. respective Dioecesium, ac alia quaecumque, tunc Abbatum regimine minime destituta etiam forsam commendata vel in administrationem, vel alias concessa Monasteria Ordinis hujusmodi, etiam si de illis consistorialiter disponi consuevissent, aut deberet, cum primum illa per cessum, vel decessum, seu quamvis aliam dimissionem, vel amissionem illa tunc obtinentium simili regimine destitui, vel illorum commendas, aut administrationum concessionem cessare contingeret, per Abbates triennales in Capitulo Generali ipsius Congregationis, per pro tempore existentes Abbatem Generalem nuncupand., ac alios Abbates, Diffinitores, Visitatores, ac alios ipsius Ordinis Monachos, & personas, qui Capitulo Generali de Jure, vel consuetudine, aut alias juxta praedictarum Congregationum statuta intervenire solent eligent. absque alia, quam a generali ejusdem Congregationis Abbate desuper petenda, vel obtinenda confirmatione regi, & gubernari deberent: quodque de caetero praedicta Congregatio uni Abbati generali nuncupando singulis trienniis eligendo adinstar aliarum Congregationum praedictarum, omnino subesse, perpetuo statuit, & ordinavit, & nihilominus ex tunc nomen, & titulum perpetui Abbatis in singulis Monasteriis praedictis, ita quod de caetero perpetui Abbates denominari, seu censerent, ipsaque Monasteria alicui personae in titulum, commendam, vel administrationem perpetuas conferri non possent, ac quaecumque collationes, provisiones, commendae, vel administrationes, & aliae quaevis dispositiones de illis alias, quam ut praefertur factae, nulla, irritae, & inanes eo ipso essent, & esse censentur, etiam perpetuo suppressit, & extinxit, nec non Monasteria ipsa ob triennialitatem, absque tamen illa tunc in titulum, commendam, & administrationem, aut alias quomodolibet obtinentium praedictis reduxit, nec non quod de caetero Monasteriis praedictis, etiam apud Sedem praedictam vacan., & tam propterea dispositioni suae, quam etiam ratione quarumcumque personarum, etiam Sanctae Romanae Ecclesiae Cardinalium, aut alias reservatis non nisi per electionem hujusmodi singulis trienniis faciendam disponi ullatenus posset, & si de eis aliter quam per electionem hujusmodi pro tempore dispositum foret, seu qui ad illam pro tempore electi existissent, electionem suam ad ejus vitam, seu

ad aliud tempus ultra triennium a Praeceptore, seu Sede praedictis confirmari, aut alias de illis sibi provideri, vel disponi obtinerent, seu si Praeceptor, vel Sedes hujusmodi, aut illius Legati, vel Nuntii de eisdem Monasteriis quomodolibet etiam per cessionem in dicti Praeceptoris, seu pro tempore existentis Romani Pontificis manibus sponte factam vacan., alicui personae, quovis modo provideret, seu aliquem Coadjutorem pro tempore existentibus ipsorum Monasteriorum Abbatibus in regimine, & administratione illorum deputaret, tunc, & eo casu, electiones, confirmationes, provisiones, coadjutorum deputationes, ac quaelibet aliae ipsorum Monasteriorum dispositiones nulla, irritae, & inanes, nulliusque roboris, vel momenti essent, & esse censerentur, & nihilominus illis non obstantibus habere electionem procedere possent, & deberent, & ut id facilius subsequi posset, omnes, & singulas provisiones, & praefectiones de quibusvis personis eisdem Monasteriis, nec non quascumque suppressiones, extinctiones, uniones, Coadjutorum deputationes, & alias gratias de illis imposterum per ipsum Praeceptorem, seu Successores suos Romanos Pontifices, aut Sedem hujusmodi faciendas nullas, & invalidas esse, nulliusque roboris, vel momenti fore, personaeque illa in titulum, commendam, & administrationem, aut alias tunc obtinentes illorum regimini, & administrationi nisi ad effectum praemissorum cedere non posse, & si illi quovis modo cederent, eo ipso Generalem, & alios Abbates, Diffinitores, & alias personas praedictas, ad electionem praedictam omnino procedere posse, & debere, Monasteriaque praedicta sub generalibus, vel specialibus reservationibus, aut Cancellariae Apostolicae Regulis, seu Decretis minime comprehendi posse, vel debere, ac ultimo dictas literas nullo unquam tempore de subreptionis, vel obreptionis vitio, aut intentionis suae, vel quovis alio defectu, etiam ex eo, quod Jus in dictis Monasteriis habentes, vocati non fuerint, aut praemissis non confenserint, aliove quocumque capite impugnari, invalidari, aut in jus, vel controversiam quacumque ratione, vel causa vocari, seu restitutionis in integrum, reductionem ad terminos juris, seu quodvis alii juris, vel gratiae remedium contra illa impetrari, aut ab alio, vel aliis impetratis, seu etiam motu proprio, & ex certa scientia concessis uti posse, causamque, vel causas propter quas ipsae literae ab eo emanaverant, coram quocumque Judge, etiam delegato verificari, nec ob id viribus carere, aut per obreptionem, vel subreptionem obtentas praesumi, minusque Sebastianum Regem praedictum ad verificandum gratiam hujusmodi teneri, nec sub quibuscumque revocationibus, modificationibus, limitationibus, restitutionibus, aliisque contrariis dispositionibus si

milium, vel dissimilium gratiarum, tam per eum, quam etiam Successores suos praedictos quomodolibet, ac cum quibusvis etiam derogatoriarum derogatoris, aliisque efficacioribus, & insolitis clausulis, irritantibusque, & aliis decretis pro tempore factis quorumcumque tenorum existerent includi, sed illis non obstantibus in suis robore, vigore, & efficacia existere, & quoties illae emanarent, toties in pristinum statum repositas, restitutas, & plenarie reintegratas, etiam sub dat. per praedictum Sebastianum, & pro tempore existentem Portugalliae Regem eligenda de novo concessas esse, ac incommutabilis voluntatis, & intentionis suae fuisse, & ad hoc ut perpetua firmitate subsisterent, vim validi, & efficacis contractus inter se, & Sedem praedictam, ac Sebastianum, & Successores suos Portugalliae Reges praedictos habere decrevit, prout in singulis literis praedictis plenius continetur.

§.2. Cum autem sicut eadem petitio subjungebat dictae posteriores literae quoad nonnulla ex Monasteriis in illis expressis, suum sortita sint effectum, illarumque vigore aliqua ex Monasteriis sub dicta Congregatione comprehensis per Abbates triennales in Capitulo generali ejusdem Congregationis singulis trienniis electos hodie gubernentur, & ex inde in dicta Congregatione copiosus Religiosorum virorum numerus excreverit, qui sub Religionis jugo, & reformata monastica vita gratum altissimo praestant obsequium, ex quo uberes fructus in agro Domini proveniunt, cum Populi Christiani illarum partium spirituali consolatione: Quia tamen superveniente obitu dicti Praeceptoris pia mem. Gregorius Papa XIII. etiam Praeceptor noster per quamdam ejus Constitutionem in crastinum suae assumptionis ad Summi Apostolatus apicem editam, & in Cancellaria Apostolica publicatam suppressiones, & extinctiones Monasteriorum, & aliorum Beneficiorum Ecclesiasticorum eatenus effectum non sortitas primo, & deinde per alias suas speciales in forma Brevis literas dicti Sebastiani Regis nomine obtentas, & postremo Nos per quamdam nostram Constitutionem per Nos in crastinum assumptionis nostrae ad summi Apostolatus apicem editam, & in Cancellaria praedicta etiam publicatam, similes suppressiones, & extinctiones, quae eatenus sortitae non fuerant effectum, revocavimus, nonnulla alia sub dicta Congregatione comprehensa Monasteria, sub regimine, & administratione Abbatum, seu Commendatariorum perpetuorum adhuc remanserint, ipsique Abbates, seu Commendatarii perpetui fructus, redditus, & proventus mensurarum Abbatialium ipsorum Monasteriorum pro eorum libito consumant, & Religiosis in eis degentibus necessaria ad communem vitam in regulari observantia ducendam non solum minime subministrare, sed etiam quod dolendum est, aedificia Monasteriorum eorundem restaurare, ac ornamenta Ecclesiastica ad

Nonnulla tamen Monasteria, in quibus Pii V. Constitutio executioni mandata nondum fuerat, suis perpetuis Superioribus subiecta remanserunt vigore literarum Gregorii XIII. & Sixti V. super restitutione in integrum Beneficiorum nondum unitorum.

Inde vero pluri abusus in dictis Monasteriis non unitis profusus xerunt.

Philippus Rex
Pii Constitutio-
nem con-
firmari petit.

Confirma-
tione
Sixtus.

divinum cultum necessaria, prout deceret, dare negligant, quo fit, ut in reliquis Monasteriis hujusmodi regularis observantia commode introduci, aut conservari nequeat in Monasteriorum, & Ordinis hujusmodi non modicum detrimentum.

§.3. Quare, ut incommodo hujusmodi, & aliis præmissis facilius occurrere possit, dictus Philippus Rex eorundem Monasteriorum Patronus illorum prosperum, & salubrem statum, ac in illis regularis observantia augmentum singulari affectu desiderans, Nobis humiliter supplicari fecit, quatenus dictorum Monasteriorum indemnitate consulere, ac ultimo dictas Pii Prædecessoris literas cum omnibus, & singulis in eis contentis ab eorum Dat. confirmare, & approbare, aliasque in præmissis opportune providere de benignitate Apostolica dignaremur.

§.4. Nos igitur qui dudum inter alia volumus, quod petentes Beneficia Ecclesiastica aliis uniri, teneantur exprimere verum annuum valorem, secundum communem estimationem, etiam Beneficii, cui aliud uniri peteretur, alioquin unio non valeret, & semper in unionibus commissio fieret ad partes vocatis quorum interesset, eundem Philippum Regem a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, nec non verum, & ultimum singulorum Monasteriorum prædictorum vacationis modum, etiam ex illo quavis generalis reservatio etiam in corpore juris clausa resultet, illorumque situationes, denominationes, invocationes, & Diocesum, eorumque fructuum, reddituum, & proventuum veros annuos valores etiam juxta illorum in libris Camere Apostolicæ taxationem, nec non singularum literarum prædictarum, ac inde secutorum quorumcumque tenores, præsentibus pro expressis habentes, hujusmodi supplicationibus inclinati, ultimodictas Pii Prædecessoris literas cum statuto, ordinatione, suppressione, extinctione, reductione, indultis, & concessionibus, & omnibus, & singulis in eis contentis clausulis, decretis, & derogationibus, nec non processibus habitos, vel habendos per eandem, & inde secuta quæcumque ab eorundem Dat. ac dictam Congregationem illiusque Generalem, & alios Abbates, Diffinitores, Visitatores, & alias personas prædictas quoad ipsarum literarum effectum consequendum adversus prædictas, & quascumque alias Constitutiones illarum revocatorias, seu moderatorias in pristinum, & eum, in quo antequam Constitutiones, ac literæ prædictæ emanarent, & perinde actu nunquam emanassent, quomodolibet erant statum in omnibus, & per omnia ex certa nostra scientia Apostolica auctoritate tenore præsentium restituimus,

reponimus, ac plenarie, & plenissime reintegramus.

§.5. Et nihilominus ex nunc tam Beatae Mariæ Pombeiro, & Sancti Joannis Dalpendorada, ac Sancti Salvatoris de Palme, nec non de Gauzei ad præfens Abbatum regimine desituta, quam Sancti Tisfi de Ribadave, Sancti Michaelis de Bustello, Sancti Joannis de Arnojo, & Beatae Mariæ de Carvoeiro prædicta, nec non Sancti Claudii, & de Cucujaes, & de Cabanis, & de Miranda, & Barga ejusdem Ordinis Monasteria, quorum, & illis forsân annexorum fructus, redditus, & proventus sex millium ducatorum auri de Camera secundum prædictam estimationem val. annuum, ut dictus Philippus Rex asserit, non excedunt, & quæ de Jurepatronatus dicti Philippi Regis, ut asseritur, existunt, adhuc ipso regimine forsân commendata, aut in administrationem, vel alias quomodolibet concessa, etiam si de illis consistorialiter disponi consueverit, seu debeat, cum primum illa per cessum, vel decessum, seu quamvis aliam dimissionem, vel amissionem illa ad præfens obtinentium simili regimine desitui, vel illorum Commendas, aut administrationes, vel concessionem hujusmodi cessare contigerit, etiam si actu nunc eodem regimine desituta sint, aut illorum Commenda, vel administrationes, & concessionem hujusmodi cessent, aut illa alias quovis modo etiam apud Sedem Apostolicam vacent per Abbates triennales, ut præfertur eligendos absque alia quam, ut præmittitur desuper petenda, vel obtinenda confirmatione regi, & gubernari debere modo, & forma præmissis, ex certa scientia, ac auctoritate, & tenore præmissis etiam perpetuo statuimus, & ordinamus, nec non ex nunc nomen, & titulum perpetui Abbatis, sine tamen præjudicio quo ad temporalia illa ad præfens obtinentium in singulis Monasteriis prædictis modo, & forma in dictis literis contentis, auctoritate, & scientia similibus similiter perpetuo supprimimus, & extinguimus.

§.6. Et insuper Congregationi sic erectæ, illiusque Generali, & aliis Abbatibus, Diffinitoribus, & Visitatoribus, ac aliis personis prædictis, quod ex nunc tam secundo dictarum literarum, quam præsentium vigore singularum, & quorumcumque Monasteriorum prædictorum corporalem, realem, & actualem possessionem, sine tamen illa ad præfens obtinentium præjudicio, libere apprehendere, & perpetuo retinere, illaque juxta prædictam Congregationis regularia instituta regere, gubernare, & reformare, illorumque fructus, redditus, & proventus in Congregationis, & Monasteriorum eorundem, ac Religiosorum in illis degentium usus, & utilitatem convertere, Diocesani loci, vel cujusvis alterius licentia desuper minime requisita.

§.7. Quodque Abbas Generalis dictæ Congregationis, qui pro tempore fuerit cum consilio, & assensu Capituli generalis illa

Enunciat Monasteria, quæ in Congregationem uniri debent.

Jus concedit Abbati Generali realem, & actualem possessionem capiendi.

Eaque loco transferendi, redditusque tenuioribus

Monasteriis applicandi.

Provisio tamen, ut in singulis repective Ecclesiasticis animarum, cura non negligatur.

Hujusmodi autem declarationem malitio vicio notari posse, decernit.

Hanc Congregationem ceterarum ejusdem Ordinis Congregationum Privilegia communicat.

illa ex Monasteriis prædictis, quæ in locis incommodis, & minus populosis reperirentur, ad commodiora loca, ubi Monachorum doctrina, & vite exemplum populo Christiano magis utilis futura sit, & fructuosa propria auctoritate, Ordinariorum locorum, vel cujusvis alterius licentia minime requisita, cum eorum Monachis, & suppellectilibus, paramentis, & ornamentis aliisque rebus necessariis transferre, & mutare, ac seu fructus, redditus, & proventus eorundem Monasteriorum, seu cujuslibet eorum, vel illorum partem Generalis, & Capituli prædictorum arbitrio alii, seu aliis ejusdem Congregationis Monasteriis magis indigentibus perpetuo, vel ad tempus etiam renitentibus Abbatibus Monasteriorum eorundem, & quibusvis aliis personis applicare, & assignare.

§.8. Provisio tamen quod Animarum cura personarum secularium incumbens Abbatibus, & Conventibus Monasteriorum transferendorum hujusmodi in Ecclesiis eorum nullatenus negligatur, sed per Monachos dictæ Congregationis Regulares, vel Presbyteros Sæculares idoneos, & ab Ordinaris approbandos laudabiliter exercentur, libere, & licite valeant, plenam, & liberam Apostolicam auctoritatem eorundem tenore præsentium licentiam concedimus, & facultatem.

§.9. Decernentes restitutionem, repositionem, & reintegrationem prædictas, statutumque, ordinationem, suppressionem, extinctionem, & concessionem posteriores hujusmodi de subreptionis, vel obreptionis vitio, ad intentionis nostræ, vel quovis alio defectu etiam ex eo quod jus habentes in ipsis Monasteriis vocati non fuerunt, ac alias eisdem modo, & forma, quibus Pius Prædecessor prædictus decrevit, nec sub quibuscumque similibus, vel dissimilibus revocationibus, modificationibus, & aliis contrariis dispositionibus per Nos, & Successores nostros quomodolibet, ac cum quibusvis etiam derogatoriis derogatoriis, aliisque efficacioribus, & insolitis clausulis irritantibusque, & aliis decretis pro tempore factis includi, sed semper ab illis exceptas fore, & esse, ac in suis robore, & efficacia permanere, & quoties ille emanabunt, toties in pristinum statum restitutas, repositas, & plenarie reintegratas sub dat. per eandem Congregationem, aut Philippum Regem, & Successores suos eligen, & de novo concessas fore, & esse, & ad hoc, ut perpetui roboris firmitate subsistant, vim validi, & efficacis contractus inter Sedem prædictam, ac Philippum Regem, & Successores prædictos habere.

§.10. Præterea eidem Congregationi, ac omnibus, & singulis illius Monasteriis, Prioratibus, & aliis regularibus locis, tam præsentibus, quam futuris, eorumque Generali, & aliis Abbatibus, Diffinitoribus, Visitatoribus, Superioribus, Monachis, Religiosis, Novitiis, Conventibus, & ceteris personis nunc, & pro tempore existentibus, ut omnibus, & singulis privilegiis,

immunitatibus, exemptionibus, libertatibus, prærogativis, antelationibus, favoribus, præminentis, Indultis, licentiis, stationibus, declarationibus, facultatibus, concessionibus, Indulgentiis, etiam plenariis, & peccatorum remissionibus, ac relaxationibus, aliisque universis, & singulis gratis spiritualibus, & temporalibus Sancti Hieronymi, & Sancti Bernardi alias Cisterciens. Ordinis, nec non Cassinens., & Vallesolei dicti Ordinis S. Benedicti Congregationibus hujusmodi per universum Orbem constitutis, ac cuilibet ex ejusdem Congregationis Sancti Benedicti dicti Regni Portugallia Monasteriis, seu illarum Ecclesiis, & regularibus locis, eorumque Generalibus, & aliis Abbatibus, Diffinitoribus, Visitatoribus, superioribus, Conventibus, Monachis, Religiosis, Novitiis, Conventibus, Familiaribus, & personis, ac illorum intuitu, & contemplatione per quoscumque Prædecessores nostros, ac etiam Nos, & Successores nostros Romanos Pontifices, & Sedem prædictam, ac etiam Imperatores, Reges, & alios Principes, & quemcumque, seu quoscumque alios sub quacumque forma, & verborum expressione, ac quavis tam Apostolica, quam Ordinaria, vel alia auctoritate, nec non tam in genere, quam in specie, & particulariter, ac tam per modum communicationis, extensionis, & ampliationis, quam simplicis, & individuae, ac particularis, & specialis concessionis etiam Motu proprio, & ex certa scientia, ac de Apostolica potestate plenitudine, ac denique alias quomodolibet concessis hastenus, ac etiam iteratis vicibus confirmatis, & approbatis, ac imposterum pro tempore concedendis, confirmandis, & approbandis, etiam si talia forent, quæ specialem eorum requirant mentionem, ac quibus illa, & illi quomodolibet utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, illorum omnium, ac literarum, & aliarum scripturarum desuper quomodolibet confectorum tenores, ac si de verbo ad verbum infererentur, præsentibus pro sufficienter expressis, & inferri habentes, tam consuetum, quam divinum non solum ad eorum instar, sed æque principaliter, & pariformiter in omnibus, & per omnia, & absque ulla penitus differentia, perinde ac si illis, & eorum cuilibet specialiter expresse, ac nominatim, & specificè concessa fuissent, uti, potiri, & gaudere libere, & licite valeant auctoritate, & tenore præmissis perpetuo concedimus, & indulgemus; Illaque, & illas eis perpetuo communicamus, & ipsam Congregationem, ut præfertur erectam illiusque Monasteria, & Ecclesias, Prioratus, & alia loca, nec non Generalem, & alios Abbates, Diffinitores, Visitatores, & alias personas prædictas, eorumque singulos perpetuo extendimus, & ampliamus, ac concessa, communicata, extensa, & ampliata perpetuo esse, & ceteris, eisque, & eorum cuilibet suffragari debere.

§.11. Nec

Clausula pro praefatis confirmacionis firmitate d

Ejusdem exequutores designat.

Obstantibus derogat.

§.11. Nec non praesentes literas validas, & efficaces existere, & fore, suosque plenarios effectus sortiri, & obtinere; Sicque in praemissis ab omnibus censer, & ita per quoscumque Judices, & Commissarios, & Causarum Palatii Apostolici Auditores, ac S.R.E. Cardinales, etiam de latere Legatos sublati eis, & eorum cuilibet quavis aliter judicandi, & interpretandi facultate, & auctoritate, ubique judicari, & diffiniri debere, ac irritum, & inane decernimus, si secus super his a quoquam quavis auctoritate, scienter, vel ignoranter contigerit attentari.

§.12. Quocirca dilectis filiis Bracaren., & Portugallen. Decanis, ac Colimbrien. Ecclesiarum Scholastico per Apostolica scripta mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque ubi, & quando opus fuerit, & quoties requisiti fuerint, solemniter publicantes, faciant auctoritate Nostra praemissa omnia observari. Contradictores quoslibet, & rebelles, & praemissis non parentes per sententias, censuras, & penas Ecclesiasticas, aliaque opportuna juris, & facti remedia appellatione postposita compescendo, nec non legitimis super his habendis servatis processibus, illos sententias, censuras, & penas hujusmodi incurrisse declarando, invocato etiam ad hoc, si opus fuerit, auxilio brachii secularis.

§.13. Non obstantibus re: me: Bonifacii Papae VIII. similiter Praedecessoris nostri de una, & Concilii generalis de duabus dietis, dummodo quis vigore praesentium ad iudicium ultra tres dietas non contrahatur, ac nostra voluntate praedicta, nec non omnibus, quae dictus Pius Praedecessor voluit non obstat, ac Constitutionibus, seu revocationibus, & aliis praemissis, & nostra de non concedendis Indulgentiis ad instar, & aliis Cancellariae Apostolicae regulis, aliisque Apostolicis, nec non in aliis universalibus, provincialibus, & Synodalibus Conciliis editis specialibus, vel generalibus Constitutionibus, & Ordinationibus, nec non Monasteriorum, & Ordinis hujusmodi juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque Indultis, & literis Apostolicis, illis, eorumque Abbatibus, Conventibus, Prioribus, Superioribus, & personis in genere, vel in specie sub quibuscumque tenoribus, & formis, ac cum quibusvis clausulis, & decretis etiam derogatoriis derogatoriis, etiam irritan., & aliis decretis etiam motu simili, & consistorialiter in contrarium etiam pluries, & iteratis vicibus concessis, confirmatis, & innovatis, etiam mari magno, Bulla aurea, aut alias nuncupatis, quibus omnibus etiam si de illis eorumque totis tenoribus specialis, specifica, & individua non autem per

clausulas generales idem importantes mentio, seu quaevis alia expressio habenda, aut aliqua alia exquisita forma ad hoc servanda foret, illis alias in suo robore permanfuris hac vice dumtaxat derogamus contrariis quibuscumque.

Aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

Nulli ergo omnino hominum liceat hanc paginam nostrae absolutionis, restitutionis, repositionis, reintegrationis, statuti, ordinationis, concessionum, decretorum, Indulti, communicationis, extensionis, ampliationis, mandati, & derogationis infringere, vel ei ausu temerario contraire. Si quis hoc autem attentare ausus fuerit indignationem Omnipotentis Dei, & Beatorum Petri, & Pauli Apostolorum ejus se noverit incursum.

Datum Romae apud Sanctum Petrum, Anno Incarnationis Dominicae millesimo quingentesimo octuagesimo septimo Kal. Decembris Pontificatus nostri Anno III.

XXVIII.

Confirmatio nonnullorum Decretorum editorum in Congregatione Camerali pro regimine Civitatis Castellii in Provincia Umbriae.

SIXTUS PAPA QUINTUS

Ad perpetuam rei memoriam.

§.1. Ex variis, quae animum nostrum quotidie premunt, sollicitudinibus, hac cura in primis Nos urget, ea, quae ad pauperum nostrorum, & S. R. E. Subditorum sublevationem a potentiorum oppressioibus, communemque utilitatem faciunt, cognoscendi, ut mediante opera nostra, suum debitum consequantur effectum. Cujus rei causa hoc praesenti anno nonnullos Camerae Apostolicae Clericos ad diversa hujus Sanctae Sedis Apostolicae Civitates, Oppida, & Loca, quoniam ipsi praesentes adesse non poteramus, Visitatores, & Commissarios nostros misimus, inter quos dilectus Filius Magister Innocentius Malvasia Clericus dictae Camerae, ac Visitator, & Commissarius noster in Provincia nostra Umbriae a Nobis deputatus, nonnulla, quae ad hujusmodi sublevationem, & alia non minus necessaria conducebant revidenda, statuenda, & opportune providenda esse Nobis fideliter retulit, unde hoc universum negocium dilectis Filiis nostris Henrico S. Pudentianae Presbytero Cajetano, & Alexandro S. Hieronymi Illiricorum, Titulorum, Diacono Cardinalibus super Visitatione Deputatis, & nonnullis aliis examinandum, cognoscendum, deciden-

Dat. die 1. Dec. 1587. An.III.

Ex Regest. in Secr. Brev.

Pontificis cura in defensione pauperum nostrorum contra potentium personarum oppressiones

Innocentius Malvasia deputatus Visitator Provinciae Umbriae nonnulla edidit Decreta.

Eadem confirmat Pontifex, obsequantur mandata

Clausula.

Derogatio contrationum

Decreta edita pro Communitate Civitatis Castellii.

dendum, & sine debito terminandum, commissimus, qui in hujusmodi negotio mature procedentes, nonnulla, quorum totum tenorem, vulgari idiomate, de verbo ad verbum, nil penitus omissis, praesentibus adnotari fecimus, omnino observanda esse decreverunt.

§.2. Ut autem Decreta hujusmodi firmiter subsistant, & ab omnibus, quos concernunt, & concernent in futurum, diligenter serventur: Motu proprio, & ex certa nostra scientia, ac de Apostolica potestate plenitudine, decreta omnia, prout facta sunt, Apostolica auctoritate, tenore praesentium approbamus, & confirmamus, illisque perpetuae, & inviolabilis firmitatis robur adjicimus, omnesque, & singulos tam juris, quam facti, & solemnitatum, forsitan requisitarum, defectus, si qui inter venerint in eisdem, supplemus, & potiori pro cautela, hac eadem de novo decernimus, & statuimus.

§.3. Sicque per quoscumque Judices, & Commissarios quavis auctoritate fungentes, etiam Causarum Palatii Apostolici Auditores, ac alios S.R.E. Cardinales, sublati eis, & eorum cuilibet quavis aliter judicandi, & interpretandi facultate, & auctoritate, ubique judicari, & diffiniri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

Quocirca dilectis Filiis Thesaurario, & gubernatori dictarum Civitatum nunc, & pro tempore existentibus per praesentes committimus, & mandamus, quatenus ipsi, vel alter eorum faciant auctoritate nostra praemissa omnia observari, sub poenis eis benevisis: Contradictores quoslibet, ac rebelles, & praemissis non parentes per sententias, censuras, & penas Ecclesiasticas, aliaque opportuna juris, & facti remedia, appellatione postposita, compescendo, invocato etiam ad hoc, si opus fuerit auxilio brachii secularis.

§.4. Non obstantibus quibuscumque Constitutionibus, & Ordinationibus Apostolicis, ac dictarum Civitatum, juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis, ac exemptionibus, & immanitatibus in contrarium quomodolibet concessis, approbatis, & innovatis: Quibus omnibus, illorum tenores praesentibus pro expressis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Tenor autem dictorum Decretorum sequitur, & est talis, videlicet.

Città di Castello. Decreta facta in plena Congregatione super relatione Illustrissimi Malvasiae Clerici Camerae, ac Visitatoris, & Commissarii Apostolici in Provincia Umbriae, super quibus habito verbo per Illustrissimum Cardinalem Camerarium cum Sanctissimo Sanctitas Sua mandavit expediti Breve cum clausulis solitis, & consuetis.

I. Per conservare li confini del Territorio da ogni usurpazione, si elegga perpetuamente nell' avvenire un Magistrato di Cittadini Deputati a' Confini, li quali ogni anno li vadano rivedendo, ed abbiano particular cura di difenderli, e di ricorrere a dar notizia a' Superiori per le usurpazioni, che faranno fatte.

II. Che ogni nuovo Governatore nel principio del suo governo debba rivedere insieme co' detti Deputati tutti li Confini, e riconoscerli per saperli conservare, e che si commetta al Tesoriere, che non cominci a pagare la provisione al detto Governatore, finchè non averà riveduti li detti confini, e pagando, paghi del suo, e nel saldo de' conti non gli sia fatto buono tale pagamento, se non mostra Fede di tal Visita.

III. Che il Bargello del Governatore ad ogni modo pigli l' Appalto delle Esecuzioni civili della Città, e per le dette esecuzioni per il medesimo prezzo, che la Comunità di detta Città l' ha appaltato, ed il detto Bargello supentri nel contratto, obbligo, e peso della Comunità, talmente che ella non ne senta ne utile, ne danno, ne possa perciò il detto Bargello dalle Parti riscuotere più del solito.

IV. Che si riduchino tutte le Gabelle delle Città al numero di cinque, e sieno queste:

La Gabella del Grano, e Biade. La Gabella del Passo per li Passeggieri, e la messa delle Robbe dentro la Città, tanto cassando, e levando tutti gli altri Capi, che contiene detta Gabella del Passo.

Il Dazio, ovvero Estimo delle Terre. La Salara, e la Carne della Città: le quali sieno pagate senza eccezione alcuna indifferentemente da tutti coloro, che prima erano obbligati a pagare le sudette Gabelle, ed altre estimo, tanto in virtù del Breve di Nostro Signore, revocatorio dell' estensioni, come della sua Costituzione, ed altre sopra ciò fatte, quali si osservino ad unguem.

E nelli pesi, che si pagano alla Camera non s' intenda esentato alcuno, ma tutti sieno tenuti a pagare la rata, che sarà dichiarato toccargli per detti pesi alli Appaltatori della Gabella del Grano, o Dazio, o all' una delle due, alle quali, o dal Tesoriere, o da altri, che averanno cura di appaltarle parerà di applicar dette rate, e senza eccezione, e contraddizione alcuna sieno astretti a pagare a quella, sotto l' Appalto della quale faranno compresi, come di sopra i detti pesi Camerali tutte le altre Gabelle, eccetto le dette cinque, ed il danno dato, e li malefizii si annullino, e più non si esoghino.

Quali Gabelle casse sono le sottoscritte. Bocche. Vino. Farina. Mercato. Residui. Pegni. Cenci, e Panc, Vino de Contrada. Che

De conservacione confinum.

De condicione executionum.

De Vestigialibus.